

7
2614
2967
LES

RECOMMANDATIONS

ORDINAIREMENT FAICTES,
& preschees en la chaire de Soissons
durant sa Conference, & Messei-
gneurs les Princes presents.

Par PIERRE DV BLANC, *Protonotaire*
du saint Siege Apostolique, Docteur en Theologie,
Aumosnier, & Conseiller ordinaire
du Roy.

Credidi, propter quòd locutus sum,

Parce que i'ay creu: Voilà l'occasion pour laquelle
i'ay parlé, & presché. Psalm. 115.

A V R O Y.



A PARIS,

Chez PIERRE CHEVALIER rue S. Iacques
à l'Image saint Pierre pres les
Mathurins.

M. DC. XIV.

Avec privilege du Roy.

Attestation de Monseigneur l'Euesque de Soissons.

NOVS HIEROSME HENNEQVIN, par la grace de Dieu & du saint Siege Apostolique Euesque de Soissons. Sçauoir faisons que Messire Pierre du Blanc, Prothonotaire du saint Siege, Docteur en Theologie, Aumosnier & Conseiller ordinaire de sa Majesté a presché plusieurs fois de nostre autorité & licence, & mesmes durant la Conference tenuë à Soissons en presence de Messeigneurs les Princes, l'extirpation des heresies, pour la gloire de l'Eglise, l'aneantissement des mauuais conseils, pour l'auancement & repos de l'Estat, & qu'aussi il a exhorté tous les subjects du Roy à prier eternellement Dieu de le vouloir maintenir en prosperité & santé avec Monseigneur son frere, & de combler ses longues & tres-heureuses annes de ses diuines graces, pour par elles estre tousiours redoutable à ses ennemis, autant qu'aymable à ses subjects. Sçauoir faisons en outre qu'il a exhorté vn chacun de faire particulieres & publiques prieres à Dieu, afin qu'il pleust à sa diuine bonté de seconder les bonnes & saintes intentions de la Royne Regente, pour maintenir la France en toute paix & tranquillité. En tesmoignage dequoy nous luy auons donné la presente attestation, que nous auons signee de nostre main, & faict soussigner par nostre Secretaire ordinaire le 26. iour du mois d'Auil 1614.

HIER. E. DE SOISSONS.

*Par commandement de mondit Seigneur, Monseigneur
l'Euesque dudit Soissons.* GOVRTONNE.



AV ROY.



SIRE,


Si l'heure, qui
pour me faire voir
Soissons, prin a ma
venë du glorieux
objet de vostre
Majesté, m'eust
peu aussi tost faire mourir, qu'affliger; le
tiens asseurement pour vray, qu'elle eust
plustost esté la derniere de ma vie, que la
premiere de mon tourment: Ses poinctes
estoyent si acerees & fortes, SIRE, &
mon courage si esmoussé, & ma debilité si
grande, que ie n'auois pas de forces assez,
pour ne point ceder, ou flechir à mille in-
quietudes, dont l'origine estoit mon seul

esloignement, bien qu'il n'eust point d'autre but que de me laisser tousiours viure inseparable de la fidelité, obeyssance, & tres-humble seruice, que ma naissance doit à vostre Maiesté : Mais depuis qu'elle se daignast de si fauorablement accueillir mon retour de Soissons, mon ame, SIRE, lors affranchie de toutes ses tristesses passees, commença de s'interieurement obliger à elle mesmes, de ne se plus desormais vouloir passionnement resiouyr ou reposer, qu'en des actions particulieres, ou publiques, esquelles ie puisse tousiours euidentement faire cognoistre à vostre Maiesté, comme i'ay beaucoup plus de desir de me rendre recommandable en la seruant, que par ses petites Recommendations, que i'ose luy offrir avec autant d'humilité, que le plus grand Roy du monde en peust souhaitter de celui qui est,

SIRE, de sa Maiesté,

Son tres-humble, tres-obeyssant, & tres-fidele seruiteur
& subiect, LE PROTONOTAIRE DV BLANC.

A Paris ce 20. May 1614.



RECOMMENDATIONS
*faictes Et preschees à Soissons
 durant la Conference.*



REMIER que i'en-
 tre plus auant en
 discours, touchant
 le sujet que i'ay à
 traicter en ma pre-
 sente Predication,

permets à ma memoire (ô ma bien-
 aymee Soissons) qu'aujourd'huy &
 tousiours ie te rafraichisse la tienne
 de ce feu grand Prince Duc de Ma-
 yenne ton restaurateur, de qui tu as
 herité, non seulement sa parfaicte
 image qui te le represente au naturel
 en ses gouuernemens, generosité &

courage : mais aussi la precieuse reli-
 que de ses cendres sacrees. Permetts
 doncques , ô Soissons, que ie te con-
 iure par elles , de vouloir tousiours
 estre passionnement ialouse pour l'a-
 mour que tu doibs à l'Eglise Catho-
 lique , Apostolique & Romaine ; &
 pour la fidelite & seruice , à quoy tu
 es obligee à nostre Roy , par tout
 droict, & diuin , & humain : & pour
 la paix generale que tu doibs sou-
 haitter à tout son Royaume , & par-
 my ses subjects.

Que si tu desires sçauoir quel est
 l'element contraire, & l'ennemy iuré
 de l'Eglise, pour euites ses dars , &
 t'en donner de garde ; C'est l'heresie
 (ô Soissons) c'est l'heresie , porte-
 boüette de Pandore, protecolle , &
 seule origine de toute diuision, de
 routes ses fatigues , & guerres. Pries
 doncques Dieu ô Soissons, ô Fran-
 ce, ô Chrestienté, qu'il luy plaise l'a-

neantir, & de vouloir par sa diuine misericorde conuertir tous les heretiques corrompus, corrompans & corruptibles, & aussi les faux freres, qui tousiours leur adherent, & qui en cachette leur font espaule, & leur prestent la main.

Le Chef visible, & souuerain Pasteur de l'Eglise, c'est nostre saint Pere le Pape, malgré les Schismatiques, Politiques & Heretiques. Pries Dieu, Dieu qui l'a estably & faiet seoir en la chaire de saint Pierre, (ô Soissons) tous Chatholiques priez Dieu, que les clefs de la souueraine authorité en l'Eglise, qui luy a commises, qu'elles ne luy puissent iamais cheoir de ses mains tres-sacrees, nonobstant l'impieté, la violence, & rage de ses ennemis, & de Dieu, qui voudroient luy oster.

Les principaux arcs-boutans, & soustiens de l'Eglise, ce sont tous les

Prelats & autres Pasteurs canoniquement establis, & legitiment enuoyez : Prions pour eux tous le souverain Pasteur de nos ames ; afin qu'ils n'ayent à s'endormir à la garde de leur troupeau que les loups environnent ; eux dis-je qui ont esté choisis pour estre sentinelles sur les murailles de la sainte Syon ; & pour aussi posseder eux tous seuls les biens de l'Eglise sans auarice, comme ses honneurs sans vanité ou ambition. Priant Dieu (ô Soissons) pour tous les Prelats & Pasteurs, ayez souvenance de prier sa diuine bonté pour le tien ; afin qu'elle veuille te le maintenir aussi longuement, qu'elle te la donné nécessaire.

La peste & la gangrene de tous les Estats, ce sont tous les mauuais pendants d'oreille. Prions tous Dieu qu'il luy plaise de dissiper les mauuais conseils, & d'illuminer tous

ceux là qui les fuiuent, & de vouloir
 aussi empescher, que si iusques icy
 l'on en a couué, ou que si encor l'on
 en couue pour le present, qu'au
 grand iamaïs ils ne les puissent point
 esclorre.

Le chef de la France, c'est nostre
 Roy, image viuante de la diuinité;
 Pource, si nous sommes encor beau-
 coup plus de cœur, que de bouche
 ses tres-obeyssans, ses tres-humbles
 & ses tres-fidelles seruiteurs & sub-
 jects, comme nous deuons estre; Ne
 cessons doncques de faire particu-
 lieres & publiques prieres à Dieu
 pour sa longue & bien-heureuse vie;
 afin que s'il le nous a faict naistre le
 plus grád Roy du môde, qu'il le nous
 maintienne le plus heureux, & le
 nous conferue comme nostre Palla-
 dium, & nostre sauue-garde, & que
 aussi il luy doint avec l'accroissement
 de ses ans, celuy de ses diuines graces,

pour par elles le rendre tousiours
autant redoutable à ses ennemis,
qu'aymable de tous ses subjects.

Si doncques nous voulons ne
point nous fouruoyer, ne fuiuons
que les päs de sa Majesté, ne chemi-
nons iamais qu'en sa crainte, ny n'es-
perons qu'en ses faueurs.

Le cœur de la France, c'est la Roynie
Regente, Roynie sans aucune flatte-
rie de sa vertu, Roynie des vertus, &
merites, & dont certes elle en a beau-
coup plus parfaict la possession, que
non pas nous la cognoissance, pour
n'estre la vertu qu'un nom qui signi-
fie ce qu'est sa Majesté, & elle estant
l'estre parfaict de tout ce que la vertu
signifie; Prions doncques tous Dieu,
grands & petits, pour afin que
l'ayant establie, il la nous vueille
maintenir avec autant d'heur & de
repos, qu'elle en a produit à la Fran-
ce, & pour afin que aussi il la vueille
consoler en ses afflictions, & l'affran-

chir de celles que sa Majesté patit & supporte pour le repos de ses subjects. Esleuons pour ce toutes nos plus humbles prieres à Dieu, afin qu'il seconde les bonnes & saintes intentions de la Royne, de bon conseil, de cœur & de courage.

Le foye de la France, foye seul siege, & seul origine du sang; l'estime principalemēt estre son Altesse frere unique de sa Majesté, en apres Monseigneur le premier Prince du sang, zelateur de la foy. Prions tous Iesus Christ nostre Sauueur, qui a tout espandu le sien pour le rachapt du monde, que pour l'emblom-poinct & salut de la France, tout le sang royal qui la viuisie luy puisse iusques à la derniere goutte, par des tres-longues, & des tres-heureuses années saineement estre conserué, sans que iamais aucune peste, ou venin ait le pouuoir de l'approcher, le toucher,

ou corrompre.

Les tres-nobles, & plus principales parties de l'Estat, sont Messieurs les Princes, tant ceux que i'ay l'honneur de voir icy presents m'escouter, que les autres qui sont absents; Si ces tant pures & tât nobles, & tât saines parties de la France, venoient à s'alterer, non, comme ie crois, d'elles mesmes iamais, mais bié par la proximité de quelques mauuaises humeurs (dequoy Dieu nous preferue) hélas! tout le corps de l'Estat ne pourroit estre, ny quant & quant deuenir que griefuement malade, en danger de mourir. Allons (ô peuple François) allons au deuant de ce mal par l'humilité de nos prieres à Dieu, qui leur espandra sur eux abondamment son saint Esprit d'vnité de paix, & de concorde, & leur fera, s'il plaist à sa diuine bonté, comme nous l'en prions tant de grâces, que par elles ils n'auront, ny ne voudront iamais

auoir autres desseings ; que ceux-là qui se peuuent en verité donner pour vnique but le tres-humble seruice qu'ils doibuent au Roy, le repos, la paix, le maintien, & l'esclat de ceste Monarchie ; l'aduancement, & le bien de l'Eglise Catholique, Apostolique, & Romaine, pour de là quelque iour pouuoir meritoirement esperer l'honneur, & la gloire du Ciel qui les benira tous, le Ciel dis-je, où la felicité a estably la demeure des iustes.

Les bras & les mains de ceste Monarchie, sont tous les Seigneurs de la Frâce, & la genereuse noblesse que elle produit, Le peuple sont ses iâbes, & ses pieds, & ses nerfs les finances. O tres-illustres Seigneurs, ô Noblesse, ô peuple François, le vous aduertis, & vous annonce de la part du Dieu viuât, que vous n'ayez iamais à recognoistre autre chef couronné que celuy dont le Ciel a bien-heuré

la France ! hélas vous deuiendriez malades à deux doigts de la mort, si vous receuiez des influences d'ailleurs que de luy.

Que si vous desirez marcher droict, ne veuillez d'ocques point par des contraires mouuemens, vous iamaïs opposer à ceux de vostre cœur.

Donnez vous de garde d'eschauffer vostre foye, de l'opiler, corrompre, ou de villener mal à propos ceste pourpre royalle; car i'ay peur que le repentir suiuroit quant & quant vostre sacrilege desbauche.

Sur tout pour le repos & la paix de l'Estat, gardez vous d'aygrir cestant nobles & plus principales parties, traitez les avec douceur, honneur, & noblement selon qu'elles meritent, & vivez quant & elles avec vne telle temperature, qu'elles ne se puissent point iustement alterer.

O France, ô peuple François, si vous ne desirez point de vous preci-

piter, ne suiuez doncques iamais le
 chemin qui vous fera tourner le dos
 au seruice du Roy, gardez que l'e-
 stoille de la fidelité qui doit luire en
 vostre front ne vienne à l'esclypser:
 desrobez vous plustost à vous mes-
 mes pour vous donner du tout à sa
 Majesté, vous, tous vos vœux, tous
 vos biens & vos vies.

Et vous tres-generoux & Ca-
 tholiques Princes, donnez sil vous
 plaist ceste liberté à la tres-humble
 seruitude que mon zele doibt à la
 naissance de vos qualitez super-emi-
 nentes, afin qu'une fois aduoüé de la
 bonté qui vous est naturelle à tous,
 ie puisse vous dire d'un poulmon
 asseuré, que le ciel & la terre s'offrent
 à vous benire, & que vos noms rele-
 uez du commun, & couronnez de
 gloire, ne payeront iamais de tribut
 à la mort, ny de peage à la fortune,
 si tous les subjects du Roy venans à
 imiter le bon exemple que vous leur

debuez, ils viennent à r'allier & ioin-
 dre leurs forces à celles de sa Majesté,
 & toutes leurs plus feruentes prieres,
 aux iustes & deuotes oraisons, qui
 ne sospirent, ny ne reclament que
 le bon-heur d'vne paix generale:
 Prions doncques le Dieu de paix
 qu'il luy plaife de la nous enuoyer.
 Ne cessons tous tant que nous som-
 mes de tousiours implorer sa diuine
 bonté: car comme elle a les yeux ou-
 uerts à la misere en laquelle nous
 sommes, & son courroux le plus sou-
 uent endormy pour nos iniustices:
 Aussi est il vray que Dieu ne ferme
 iamais ses oreilles à nos iustes cla-
 meurs, ny ne separe point sa miseri-
 corde de nos sainctes demandes.

Humilions nous doncques tous
 à luy, & en luy seul cherchons le se-
 cours de nos maux, puis que toutes
 ses volontez sont puissances, & ses
 pensees actions.

F I N.